

宋丞相李忠定公奏議

宋丞相李忠定公奏議卷之六十五

與宰相論捍賊劄子

綱伏覩進奏院報三省樞密院同奉聖旨探報敵人窺伺承楚如別有警急當親總六師以臨大江綱於十月二十二日已曾具奏以今日捍禦賊馬事勢陳獻三策自福州入急遞投進今來又覩進奏院報韓世忠統全軍於承楚間迎擊賊兵連獲勝捷有旨分遣臺臣督劉光世張浚統兵渡江應援車駕已起發進臨江上撫勞諸軍竊惟朝廷當危急艱難之秋為宗社生靈之計建大議決大策不貳不疑毅然親征將士用命捷音系路廟謨克壯虜勢退屈

誠可為天下大慶然賊情狡獪戎事方棘機會之來間不容髮綱輒敢竭其愚慮陳十事以獻伏望鈞慈特賜詳覽有可以裨廟筭之萬一者願施行之勿以人廢言不勝幸甚謹具下項

一宜防備生兵綱竊觀為齊劉豫招誘叛將驅河北河

東陝西之民挾帶虜騎侵擾淮甸聚糧既久傳聞為

於淮陽府遷縣甚久為入寇亦早往年虜騎南牧多

齊以冬初已入寇間然有窺伺江左之意今既王師

屢捷挫其銳氣勢必遲留境上乞師金人萬一有望

兵繼來我以疲乏之兵當新羈之馬則將何以取勝

宜命諸將蓄養銳卒更進退休使有餘力以待之又  
於諸路摘那精銳軍馬以為濟師之計庶幾可以捍  
禦

一宜防備海道竊聞偽齊劉豫於登萊等州多造海  
舟又於楚海等處擄掠客旅舟船其用意非淺也方  
冬月風便之時勢須驅使山東之人自海道犯浙東  
一帶濱海州縣則吾腹內之民擾矣然自海道來者  
必皆步入實不足畏朝廷既遣兵將分屯明越以備  
不虞而沿海州縣巡尉弓兵數不為少合之則勢強  
分之則勢弱宜命帥司并提刑司團結成軍於要害

地擺布控扼又募海上土豪自備舟船巡綽捍禦許  
以將來事定重與推賞不為無補

一宜防備上流綱竊觀自昔侵犯東南未有不由上流  
者舳艫相接順流乘風自川江而下日數百里不旬  
月間可至江浙故上流之地自吳及東晉以來必屯  
重兵乃可保國今歸峽荆南岳鄂九江一帶雖無他  
虞然屯兵不多所幸襄漢復為我有上流形勢倚之  
為重襟帶荆蜀控引江淮下瞰畿甸真形勝必爭之  
地也宜命大帥統重兵以鎮襄陽則上流有屏蔽之  
勢江浙可以奠枕中原有恢復之兆畿甸可以俯

此最今日之上策惟廟謨熟計之

一宜防備四川網竊觀金人累年侵犯四川其意蓋以蜀中富庶欲必得而後已所幸山川險固將士用命僅能保守今賊馬南牧擾我淮甸安知不別遣重兵窺伺川峽道里遼遠號令難通都督既已不行兩宣撫不相節制邈然一方深可憂慮宜命信臣早臨撫之布宣威德不失機會庶幾四川生靈有所依怙國勢賴之以安非細故也

宜保據淮南網竊聞金人中間通使屢有畫江之言蓋為劉豫之計今賊馬南牧雖未必敢窺江左其意

決欲盡得淮南深慮兵交使在其間復有畫江之請  
朝廷欲舒目前之急或遂許之則大事去矣淮南者  
江南之屏蔽也六朝所以能保有江左者以強兵巨  
鎮所以為藩籬者盡在淮南故以魏武之雄符堅石  
勒之衆宇文拓跋之盛卒不能窺江表後唐李氏有  
淮南則可以都金陵其後淮南為周世宗所取遂以  
削弱此必至之理也萬一有畫江之請謹不可許宜  
命諸將協力擊賊使之退避將來措置淮南當於兩  
路置兩大帥以臨之東路揚為帥府也重兵為根本  
之地分遣兵將進守楚海濠四壽春淮陽沿淮一帶

諸郡小築城壘如開新邊其初朝廷應副錢糧徐議  
營田使自贍養遇有賊馬則大帥遣兵應援稍能自  
守乃可召人歸業漸次葺理假以歲月而藩籬成矣  
前有藩籬之固後有大江之險然後可以立國而議  
攻討之策近年以來大將握重兵於江南官吏守空  
城於江北雖有天險初無戰艦水軍之備不幾於倒  
置而虛設乎願廟堂熟計之

一宜調和諸將綱竊聞師克在和不在衆將帥不和而  
能成功者未之有也武人之性剛果有睚眦之失必  
相怨憤而敵以忠義則徃徃復合者其性然也郭子



儀李光弼同在朔方未嘗合堂同席而坐一聞祿山之變子儀中分麾下與光弼勉之立功何則先國家之急而不以私害公也賈復寇恂不相能光武解之曰天下未定兩虎安得私聞朕為分之於是並坐極歡共車同出結友而去今朝廷所賴以為爪牙者三大將也平居無事之時人情豈無纖芥今當朝廷艱危之秋使之各渡江以相應援則當以調和之為先宜贊淵衷降宸翰遣近臣推明古之將帥徇國家之急而忘私忿之意勉以忠義使之歡然犄角立功則賊雖衆多不難破也願廟堂留意

一宜增置禁衛綱竊觀自古人主必有親兵所以制障表裏為長慮卻顧之術也祖宗禁衛之兵總之三衛其制甚備自經變故以來人數浸少止以將兵為衛非強本弱枝之策今將兵既遣渡江宿衛單寡何以鎮服中外倉卒召募固難得人謂當有術以權之竊見近降指揮復置御營使司宜因此時號召諸路統制官之有名望者使率其部曲充御營使司五軍統制平時與禁衛之兵相參宿衛緩急聽御營使司使喚更不隸屬諸大將下使軍容奮張國勢益隆誠今日之先務也

一宜廣備糧食網竊謂用兵以糧食為急糧食以飛輓為難今賊兵擾吾淮甸將士捍禦勢或持久則糧食不可不廣為之備訪聞湖南米斛百錢江南東西歲亦豐稔朝廷近者增置漕臣宜命江湖廣行收糴措置舟船順流而下儲蓄於建康鎮江轉漕淮甸以給諸軍庶幾倉卒無乏絕之患若止仰常賦際恐緩急不免科湏米價踴民力重困惟廟堂圖之

一宜措置戰艦水軍網竊觀大江限制南北實為天險然必以人力加之險乃可恃魏武親臨瓜步孫權以舟師拒之見旌旗戈甲之盛歎曰生子當如孫仲謀

權告以春水方生疾瘍將作操乃還其後曹丕南伐  
先渡浪洶誘吳師有備亦曰彼有人焉未可圖也遂  
班師由是觀之據長江之險擇要害之地置戰艦水  
軍使形勢相接金鼓之聲相聞敵人雖有百萬之師  
豈敢輕犯哉何則彼為濟渡之謀而我有攻擊之具  
主客之勢既不相侔北人所習又非其利真東南形  
勝保國之要術也今國家權寓江左而累年以來不  
聞措置設險之策使敵人得以窺伺玩歲愒日於間  
暇無事之時遲遲震恐於倉卒擾攘之際有險而不  
議所以守之者可以為而不為真可惜也荆湖間車

船乃唐嗣曹王皋遺制其大有至三四十車者挾以  
雙輪鼓踏而進駛於陣焉又仁宗朝修武經總要該  
載古今戰艦之制要備額命荆朗及頒降式樣於沿  
江諸州使之製造召募水軍統以將佐逐時閱習可  
以為長久之利非一時之急而已天下無不可為之  
事勿謂緩不及事而遂置之天下幸甚

一宜措置楊么綱昨任荆廣宣撫使日招捕羣盜數萬  
人惟湖北賊楊么據重湖之險非有戰艦水軍未可  
攻討嘗具楊么本末申奏以謂此賊不可輕是時朝  
廷已罷荆廣宣撫司特降指揮令綱節制湖北荆南

同共進討方措置間綱要恩罷任朝廷委制置使王  
玘同兩路帥臣措置迄今未聞移平勢頗猖獗蓋此  
賊非陸地群盜之比據重湖環千餘里出沒不常其  
徒皆舟人漁子便於操舟又有潰散兵卒竄其間以  
教之戰我師深入欲速成功則往往不利屯聚持久  
則錢糧之費不貲今又淮甸警急朝廷不免摘那兵  
將則此賊之勢又復鴟張未有掃蕩之期為吾牽制  
非細故也宜命兩路帥臣謹重未須深入俟其抄掠  
則隨宜擊之分兵也瀕湖諸邑使之不得侵漁擅蘊  
以絕其糧明出文榜揭近上首領姓名重賞掃之計

其徒中自相殺併以携其黨與之心賊必漸困然後  
可圖兵以緩為速如趙充國之討先零是也今其徒  
既衆必示以生路乃可使之解散而取首首必欲盡  
滅以堅其從賊之志非策之得也惟廟堂裁處

與右相條具事宜劄子

網竊以主上躬睿智神武之姿有知人之明所以待遇相  
公仰成恢復之業者信任之專古所未有相公蘊王佐之  
才有不世出之略被受眷知願捐軀以徇國者精忠之誠  
遠追古人憤強虜之憑陵耻逆臣之僭竊悼二聖鑒與之  
天遠閭中原生靈之塗炭深謀遠慮圖此武功此固千載

下士民之所俟望者也然而適當旱暵之餘財用  
民力凋瘵不取於民則調度不足取之過甚則人心  
驚疑正在斟酌損益之間使軍不乏興民不告病乃為得  
策報殫淺短之慮庶幾萬一之得以裨廟筭伏望鈞慈特  
賜采擇謹具下項

一綱昨過衢州竊見都督行府劄子頒降官告勸誘上  
戶進納文臣自宣教即至迪功郎武臣自修武郎至  
承信郎價直各有等差計錢六十一萬貫內宣教郎  
六萬貫迪功郎一萬其餘升降各以萬五千貫為率  
契勘自來進納文臣止於判司簿尉遇有功改官即



轉入右列蓋所以清流品重名器也今以京朝官許  
之進納悉失本意又上戶之家雖有物力安能目前  
具六萬緡以買一官若分科衆戶則亦知此官當使  
誰受網謂不若以一宣教即分爲六迪功即倣此以  
行則上易於出財人情樂於入仕州縣勸誘不至費  
力又無輕名器之患就不得已之中此爲長策仍於  
諸郡量減分數庶幾不至竭澤易於趁辦伏望鈞慈  
更賜裁處

一網契勘本路人戶合納今年夏稅和買物帛朝廷元  
降指揮立定分數從第四等已下折納價銀依自

條限起催蓋優饒下戶易於催納今承都轉運司公文准尚書省劄子勘會本路合發折帛錢元責限三月椿足欲督責兩漕臣拘催日下並要起發盡絕奉聖旨依仍展十日若依所展日限合至四月十日了足今來正是蠶麥未熟新陳不交之時本路洪吉筠袁江撫州興國臨江軍皆係災傷至重其第四等已下人戶多是官中見行抄劄賑濟之人難以預行催納如州縣逐急於上戶催科將來下戶卻合入納本色顯是重困除已申奏朝廷乞將本路災傷州縣合起折帛錢依條限催納其餘州縣自依今來立限指

揮庶幾災傷下戶得被實惠不致逃亡更望鈞慈特賜照察

一綱竊見諸路應副岳飛錢米並津般至郢州交卸勢須先有重兵屯駐及修蓋倉庫安頓去處又自漢沔至郢州千有餘里密邇偽境須得軍馬防護糧道乃可無虞綱竊以謂不若且於鄂州樁管候將來大軍進發沿漢江有備乃可旋次措置津般實為得策更望鈞慈特賜裁處

一綱竊見自軍興以來取於民者非一降官告給度牒賣戶帖理積欠折帛博羅預借和買名色甚多當

旱災之餘民力已困誠願朝廷講求理財之道敝空  
聚實開闢良還使不歛於民而用度足乃為長久之  
計伏望鈞慈特賜垂念

一網近因入劄子論兵家利害妄意朝廷措置有未盡  
善者五宜預備者三當善後者二議論迂疎誠不足  
裨補廟謨之萬一姑盡其拳拳之忠而已輒錄副本  
拜呈伏望鈞慈特賜詳覽

與宰相乞兵劄子

綱已具狀申都督行府本路虔吉袁州建昌軍等處近來  
盜賊頭項漸多蓋緣軍馬單弱不足鎮壓如虔州元有李

山一項軍馬賊勢稍息李山近為岳飛勾回賊盜遂復倡  
獍接連索吉一帶飢民嘯聚作過本司雖遣發軍馬人數  
不多深慮賊勢滋蔓為數州之患將來難以殄滅伏望鈞  
慈早賜指揮於追便處先撥軍馬二三千人赴本司相兼  
使喚錢糧之類令轉運司於上供錢內應副庶幾盜賊可  
以措置及前期訓練以備將來防秋之用不勝幸甚

與宰相乞王彥軍馬劄子

綱契勘近嘗條陳本路防秋利害乞差元所請本路軍馬  
一萬人及於劉光世岳飛軍中摘那軍馬於舒蘄黃州駐  
劄已具奏間去訖近聞劉光世軍馬已起發往廬州岳飛

軍馬已起發往襄陽府本路所乞軍馬未蒙都督行府差  
到沿江一帶並無控扼切慮賊情狡猾或有窺伺來間擄  
掠無兵應援深為可慮燕契勘岳飛大軍移屯襄陽所有  
錢糧並係本路應副經由蘄黃等州自沔鄂以赴襄漢實  
以本路為根本以蘄黃等州為咽喉之地萬一本路為賊  
所擾蘄黃等州為賊占據無兵捍禦即根本之地騷動錢  
糧無自而取咽喉之地阻塞糧道無自而通襄漢之軍坐  
見困乏為害不細若待臨時申請決致誤事前後累中所  
乞軍馬非獨止為本路之故近准都督行府劄子已勾王  
彥軍馬赴行府約七八月間可到候到日差撥前去勘會

王彥軍馬見在荆南府未曾起發將來得都督行府須  
在八九月間卻行差撥前來已是深冬不惟往還虛費日  
月兼又軍馬勞頓後期失事伏望朝廷特賜指揮令王彥  
軍馬候將來過本路日就便存留聽本司節制於沿江分  
布防托及抽那往虔吉等州討捕盜賊庶幾不致闕設所  
有乞於劉光世岳飛軍中差兵前來舒蘄黃州駐劄亦乞  
早降指揮施行

小帖子

契勘本司近准都督行府劄子已巡按淮南所有合  
申請事件申取朝廷指揮今來所乞就便存留王彥

十馬伏望鈞慈詳察早降指揮

宋丞相李忠定公奏議卷之六十五



宋丞相李忠定公奏議卷之六十六

與右相乞罷行交子劄子

契勘近承都轉運司公文依維朝廷指揮本路和糴米二十萬石其所降糴本以三分為率約計一分係新法交子二分係金銀勅牒等其交子尚未降到綱竊謂交子之法行於四川則為利行於他路則為害四川山路峻險銅錢脚重難於齎挈故以交子為便當時設法者措置得宜常預椿留本錢一百萬貫以權三百萬貫交子公私均一流通無阻故蜀人便之近年不椿錢本其法已弊况欲行於他路哉今東南道路安便銅錢脚輕若欲便民固已不待

交子自能流布目今戶部財用窘迫必無數百萬椿留錢  
本交子之行止憑片紙民間得之交手相付不敢停留良  
民折閱轉賣不得元直十之二三兼并之家賤價停蓄坐  
享厚利爭競既起獄訟滋多其為害有不可勝言者網大  
觀間任真州司法參軍兼管常平倉庫是時朝廷推行交  
子之法豪民挾形勢戶競以賤價得之以代見錢輸納官  
司不敢不受應係官錢悉是交子其後覺知不便從而改  
法倉庫見錢為之一空由此觀之非獨不便於民而官司  
尤甚今朝廷乃欲講究推行誠獻言者之過也伏望鈞慈  
重加詳察特賜數奏早行寢罷勿待公私已受其弊見不

可行而後改天下不勝幸甚

辭免轉官與宰執劄子

綱誤蒙聖恩特加遷秩尋具奏辭免又奉詔書不允無任  
感懼之至契勘本路近以戍守失於撫循致已受招安人  
嘯聚作過旁近郡縣類多驚擾雖遣兵討捕兇熖稍衰然  
以兵將分布不足之故尚多漏網殘黨猶有竄伏山林出  
沒未已者帥司任一路之責何所逃罪今乃以盜息民安  
為名叨冒恩賞何以厭服公議燕綱年來衰病屢請就閑  
見患瘡瘍久在假故深慮職事廢弛以速官謗伏望平章  
都督特進僕射相公洞照誠懇特賜敷陳追寢成命以安

愚分仍撿會綱累奏除一在外宮觀差遣庶幾得脫繁劇  
漸就休養仰賴庇蔭保全晚節不勝幸甚

與宰執乞宮祠劄子

綱伏以衰病累具奏陳乞罷帥守除一外任宮觀未奉回  
降指揮竊念綱憂患之餘設蒙朝廷付以江西一路重寄  
夙夜兢勉不敢自暇以圖報知遇之萬一自去年四月初  
到任至今年八月終已及一年五箇月適值旱歲遵奉聖  
旨賑濟勸糴以活飢民又依稟朝廷指揮招填軍額建置  
營房修築城池繕治器械增修官府勑蓋倉庫催發錢糧  
招捕盜賊皆係綱逐一躬親措置處盡心力殫耗幸已就

紹今者以病乞身即殊別有窺避無綱近以淮西叛將事  
宜指陳朝廷措置失當實緣憂憤成疾心氣不寧思慮顛  
錯難以安職伏望平章都督特進僕射相公哀矜特賜敷  
陳檢會累奏罷綱江西安撫制置大使兼知洪州除授宮  
觀差遣以養病軀以安愚分所有綱在任修舉到前件職  
事釐為六狀已具奏聞及申尚書省都督府外伏望鈞慈  
特賜詳察

與李尚書措置畫一劄子

綱竊觀六朝於上流重地必擇名臣為之帥守使自為家  
計乃能鎮撫一方屏翰王室皆有實效不事虛文私竊慕

奏議卷之六十六  
三  
之故自到豫章以來修築城池為可守計創置營房使兵  
民不相雜處繕治器械甲修造官府倉庫措置財賦蓄積金  
穀團結軍伍招捕盜賊皆幸稍稍就緒庶幾古人之萬一  
少副朝廷委任之意今具下項

一修築城池

洪州城池北而尤為闊遠皆係荒閑田地無人居止  
又城外一帶盡是漲沙高與城齊可以下瞰城中若  
欲為可守之計其勢不得不修治因朝廷有慮賊指  
揮具奏條陳利害且乞給降空名告勅等得旨給空  
名告勅五萬貫自去年收買木植燒燬磚甃等至今

春興工止是本州廂軍壯城及他州剗剗到兵卒共  
五百餘人漸次修築至夏末秋初方借寺觀莊夫以  
助工役日給錢米月有犒設皆大使司辦給並不支  
用漕司經費至十一月半畢工為城七百二十丈壕  
與城等為樓櫓一百二十餘座計七百餘間為城門  
十有一所計三十餘間器具皮籬砲座等并舊城皆  
一新未嘗調發民戶一夫無顆粒分文飲於民者用  
新磚百二十餘萬口皆自置窯燒變及令窯戶高價  
攬撲皆有數在工房可稽攷也泰發到豫章日願一  
登新城按視及登舊城以望漲沙方見裁減利害之

不謬

一創置營房

洪州自兵火之後營房並無存者廂禁軍與民雜處不可鈐束兼得朝廷指揮每歲防秋許勾抽本路隸將不隸將兵按閱使喚亦無寺觀屋宇可以屯泊不免建置營屋大使司支錢與諸州收買木植及令諸縣根括戶絕拋棄屋宇拆移改造置營房三千餘間並係瓦屋除撥付本州廂禁軍逐營外造各軍營房一所五百餘間見今屯泊諸州及步諒軍馬使司工房及洪州公案皆有圖籍具在可稽考也



一 總治器甲

大使司元降畫一撥兵二萬人自近年以來並撥付都督行府及岳飛下去年春乃無一人一騎留者併與器甲軍須一切席卷而去綱去歲到官檢視甲仗庫空空如也因奏朝廷乞降告勅以漸製造督責兩作院嚴其課程又分委諸州製造逮今已積三千餘副金鼓旗幟弓弩刀槍之類率皆新置又以格式造戰船戰車三勝弓合蟬弩等皆有名色數目在工房願泰發因暇日試閱視

一 建置官府倉廩

洪州素無吏舍止以設廳前廊屋為之難以檢察因  
規度都廳之南造吏院三十間以居群吏卻以設廳  
前舊吏舍分置甲仗激賞營田儀從添賜等庫下馬  
門外舊皆草屋為造房廊數十間收其直歸公使庫  
州學舊未全備為增修兩廊齋舍等五十餘間大豐  
倉自兵火後全無屋宇為造新廩八座計四十餘間  
以貯大使司并常平司米斛前此並無教閱之所為  
造新兵射廳及閱武堂防城器具之類不可無安頌  
去處為造東南壁及西北壁防城庫兩所共四十間  
無館賓客之所為置侯參謀宅以充行衙見今賈

分居止皆有數目在三房

一措置財賦

洪州前此財賦所以匱乏者非惟以年凶民貧用度廣之故不治其源使之然也諸縣者財賦之源置而不問每遇緩急窘迫之際乃召縣令使之甘認應副豈非倒置乎綱自到任將諸縣合納窠名錢一切根刷見名色將本縣合支用之數分撥窠名存留應副外自餘并諸司錢物並令解州次月五日前到遠限者治之又每季因通判行縣委之剡刷以此源源而來不絕官吏軍民請受並按月排日支給軍衣之類

亦前期椿辦不闕月椿錢最為難辦本州應副岳飛  
月六千餘緡田邦直月一千二百餘緡養申世景兵  
月九千餘緡凡一萬六千餘緡此皆的確不可闕者  
今月椿庫常有二三萬緡見管蓋緣中間力申朝廷  
理會減允每月折帛錢三千餘貫及撥到發運司二  
分錢及朱墨勘合錢等所以粗有贏餘又每差使司  
回易官載米斛前去湖北回易允撥應副岳飛軍中  
既有利息又省腳費此不可不知也綱去歲初到官  
日大寧倉米止有四石六斗軍資庫錢止有二百餘  
貫今錢貫米數頗多於前日春衣錢亦已椿下二萬

貫辛取倉卒都厝及稟支厝試照視之

### 一蓄積金穀

使司金穀頗有積蓄未嘗有毫髮歛取於民者皆係措置回易均節用度收拾失陷所致近交割與權官錢約計七十餘萬緡米計八萬餘石州縣之數不在是也亦嘗具數申奏朝廷近聞有金字牌撥錢二十萬緡銀二十萬兩金三百兩赴江州樁管聽候朝廷指揮取此猶可若再取即不堪命矣所以積蓄得此錢米者蓋緣每每力申明朝廷若一切委隨則掃地皆盡矣於中米尤可惜去歲初到升百三十秋得一

稔升十數文寸積錄累以及此數若不妄散以陳易  
新可以常為洪州之根本非細事也洪州歲用米八  
萬餘石而所得耗米止及其半何以支吾此亦須有  
以處之方欲申明洪州聚三司官吏數倍他州而所  
得耗米絕少何以能給謂如安撫司漕司吏自當責  
辦一路宜於吉撫等州耗米多處約度應副乃為長  
久之策更在裁度也

一團結軍伍

大使司初有兵二萬人至去年春尚有數千人朝廷  
撥與岳飛遂無一人一騎留者綱自行在乞得申世

景軍將帶前來纔及千人其後累乞兵于朝廷止是  
關送都督行府及乞兵于都督行府報云候有警急  
日遣發然竟無一人一騎來者旣而有淮上之捷侂  
侂少安自今年春以盜賊紛擾之故屢次申陳蒙朝  
廷差到李貴步諒軍馬冬千餘人今秋並勾赴本司  
教閱以申世景將本軍為前軍賈和仲將諸州起發  
隸將不隸將兵為左軍任仕安將洪州禁軍為中軍  
李貴步諒各將本部兵為右軍後軍共六千餘人團  
結教閱軍聲粗振然其間如申世景李貴步諒之軍  
多西北人差可用如本州及諸州兵但可張聲勢耳

此五統制者皆一時之選更在有以駕馭激勸之也

一招捕盜賊

本路盜賊虔為最吉撫筠袁次之去年到任之初遠方人但聞這一前宰相為大使意謂統兵必多往往戢服其後虔守孫佑邀功生事致虔寇已受招安者蠡起幾破吉州賴本司遣兵襲逐破之復歸巢穴然所遣不過數百人群盜窺見鮮少迺相教學紛紛不已延及撫吉筠袁亦有竊發者所幸將士用命招捕一火了當又措置一火方漸衰息至秋初得張桑直來守虔州相與商議措置又得朝廷差李貴步諒兩



軍前來渠魁如周十陰謝小鬼等悉就招撫如劉宣  
熊定李安靜等悉就擒捕凡招捕過群盜六十餘火  
其間每火有至數千人者皆有人數姓名在刑房亦  
嘗開具申奏今一路盜賊有名字者悉已淨盡大抵  
江西民俗褻悍輕生喜亂有仇殺之風全在巡尉得  
人於其微時用心緝捕無使滋蔓則亦不能為大害  
也要當使之服業田畝而無科湏之擾迺為上策耳  
前件八事謾以晚聞亦舊令尹之政必以告新令尹之意  
幸冀照察

宋丞相李忠文公奏議卷之六十六

忠相李忠定公奏議卷之六十七

申省乞立價賣告勅狀

勘會近奉聖旨指揮給降到激賞空名承信承節保義郎  
告各五道州助教勅三十道度牒二百道未有立定價例  
緣本路監司及諸州軍各有朝廷給降官告度牒價例增  
減不同今來本司勸誘出賣未得伏乞詳酌立定逐色告  
勅等價例降下以憑遵依出賣

小帖子

契勘本司先准朝廷指揮給降官告收糴賑濟米其  
入中人許作官戶理為選限參部注授差遣仍許帥

司差權職任今來本司所得激賞告欲乞依上項指揮施行庶幾易於勸誘

申省乞措置盜賊便宜施行狀

勘會本司先畫降聖旨指揮除臨陣出奇事干機會許便宜施行外餘並申取朝廷指揮契勘本路旱災之餘盜賊竊發甚衆虔寇尚熾如日近據吉州申永新縣等處已添五六頭項計一千餘人綱已具奏聞乞差軍馬前來措置全然未到若不許便宜從事委是難以措置彈壓欲望朝廷詳酌早賜指揮除臨陣出奇事干機會外措置盜賊特許從便宜施行

申省乞降淮南東西路茶長引狀

契勘本司依奉朝廷指揮置場出賣茶鹽礬鈔引近淮指揮淮南東西路分合改作長引路分許客人請買兩等長引本司尋申尚書省乞給降長引一十萬貫已蒙給降到司見行招誘客人筭請外竊緣本司節次承准朝廷指揮於賣到錢內支錢一十萬貫應副運判逢大夫充起綱糜費五萬貫應副都運趙徽學充打船等錢二萬貫應副洪州收糴軍糧二萬五千貫應副提點鑄錢司充銅本錢已上共計合支撥錢一十九萬五千貫除旋支過一十萬五千餘貫未支八萬九千餘貫緣所管鈔引內廣益鈔引已

行住罷及鑿引少有客人筭請其茶短引只是通本路興  
販少有客人入納唯是茶長引不住有客人筭請今來正  
是造茶月分只合要茶長引趁時接續出賣欲望朝廷詳  
酌速降指揮下都茶場更行給降淮南東西路兩等茶長  
引三二十萬貫應副本司招邀客人入納趁此時月發泄  
茶貨貴不致有妨客販

小帖子

契勘近蒙給到十萬貫長引內除洪江州興國軍引  
節次有客旅前來筭請外所有宣池太平州引出賣  
大段微細往往商賈多是就近於建康府權貨務請

筭今來所乞長引欲乞以十分為率將四分給洪州  
二分草茶引六分給江州與國南康軍  
內江州乞一半  
二分木茶引  
未茶引與國南康  
軍並乞草茶引  
長引應副勸誘入納伏乞早降指  
揮施行

申省乞留四色錢數應副洪州起發岳少保大軍  
支用狀

據洪州申據通判申具准都轉運衙牌准尚書省劄子內  
奉聖旨指揮專以主管自今年春季為始將每日合收經  
制無額移用錢拘截別項椿管聽候聖旨指揮取撥糴買  
紹興六年分和糴米本錢每月具收到數申除已依准行

下諸縣等處遵依施行外申州及據申備據都酒務狀本  
務契勘除無移用錢窠名外止有日逐收到一分經制司  
錢陸分無額上供錢壹分提刑司經歷司量添糟錢四項  
窠名見今日逐解赴司法聽月椿庫交納應副岳少保大  
軍支用俱是春季內收到上項窠名錢數並排日解遣去  
訖今來所准上件指揮撥充糴本錢逐旬解赴通判衙交  
納椿管聽候朝廷取撥本務未審將前項日收經制司四  
項窠名錢數依舊納月椿庫唯復依今來指揮解赴通判  
衙收椿充糴本支用申州乞施行申本司乞施行本司契  
勘洪州逐時所收前項四色窠名錢係本州收椿按月

發應副岳少保大軍費用今來若行取撥逐色錢充糴本  
所有合起月精錄本州委實別無合收口色官錢椿發卻  
致有誤軍前指準支贍欲望朝廷詳酌特賜指揮依舊存  
留上項四色錢數令本州逐月收椿起發應副岳少保大  
軍費用免致缺誤

申省乞將逃移災傷人戶見欠夏秋稅特行住催  
辦事狀

勘會本縣州縣去歲旱傷內有甚重去處訪聞人戶未經  
差官檢放稅租以前其間多有先次逃移之人不曾經縣  
陳訴乞行檢放後來所差檢視官更不曾將逃移人戶各



下乾旱田段依例檢放稅苗以至縣官亦不檢察卻見行  
催理逐戶名下合檢放稅苗是致逃移下戶不敢歸業荒  
廢田土轉見失所已據提舉秦鹽常平等公事司措置委  
官體究施行及行下洪吉等八州軍照會更切催督令佐  
速便先次根括逃移未曾歸業人戶數目將各下去年以  
前見欠官物並未得催理具數供申去訖本司今契勘災  
傷人戶依今年三月四日聖旨指揮除旱傷及四分以上  
拖欠紹興四年已前租稅合行除放並依今年三月二十  
八日聖旨災傷人戶內本戶放稅五分已上第四等已下  
逃移人戶合納紹興六年夏秋稅以十分為率每料各與

備閣二分候來年隨本料送納外所有紹興五年係災傷最重年分其拖欠殘零稅租未有許與減閣明文告行盡數催納深慮細民經此大旱力所不及未能輸納理宜存恤今欲乞將逃移人戶歸業之人紹興五年戶下未納官物特行住催其自餘應係災傷人戶見欠夏秋稅官物各隨料次分作三料帶納庶幾上副朝廷寬恤之意

申省乞將修城造軍器度牒給降告勅狀

勘會洪州城壁自經兵火之後本州關之至今未曾脩治及城上合置備禦樓櫓戰棚防守器具等事一切並無緣本州係一路帥府去處城壁最為急務不可廢弛若不措

置興修及將闕遠去處裁減不惟漸有摧倒日後愈費工  
力兼合用守禦人兵浩瀚緩急必致誤事本司除已一面  
委本州官檢計合裁減興脩工料及相度開具緊要受敵  
之處欲隨宜建立戰棚敵樓計備防守器具外已具申奏  
朝廷乞下所屬先次給降新法度牒二百道變轉充脩城  
使用及近准樞密院三月十三日劄子仰依都督行府指  
揮令本司措置招填本路闕額禁軍緩急調發使喚其合  
用軍器令帥司一面措置造作如有合行事件條具申取  
朝廷指揮本司尋條具合行事件數內一項獎勵帥司以  
前自造到軍器昨係本司統制官祁超立贊等軍馬開借

被帶使用其逐項軍兵節次抽摘赴都督府岳飛軍前盡  
數將帶前去本司器甲見今闕乏今承朝廷指揮合用軍  
器令帥司一面造作使用如有合行事件條具申取朝廷  
指揮本司見開坐各件行下諸州令依應造作所有合用  
錢物亦已具狀申朝廷特降新法度牒二百道應副支用  
候將來支絕日再行申請去後未奉回降今據洪州申備  
准四月二十六日都省劄子具到和羅盡一內一項看詳  
今來所乞權住給降新製度牒應副其他官司專充羅本  
四月二十七日奉聖旨依本司契勘所乞給降脩城并打  
造軍器度牒並係指準急要變轉支用不可少闕欲望朝

廷特賜詳酌如所乞前項度牒四百道依近降指揮合權住給降即乞逐急紐折價錢給降官告及助教勅牒下本司應副變轉支用所貴不致闕誤

申省乞告勅造軍器狀

契勘本司元降指揮差撥軍馬二萬人逐時造到器甲名件數目浩瀚後來軍馬旋次撥赴都督行府及岳少保下并器甲將帶前去本司並無見在軍器近蒙朝廷及都督行府指揮合用軍器令帥司一面置造支用如有合行事并條具申取朝廷指揮本司除已將合置造器甲弓弩名件數目拋降下諸州軍置造外累具狀申朝廷乞支降新

洪變牒二百道應副支用未蒙降到如不合以新法度牒  
應副即乞將官告并助教勅牒準折價數支降庶幾可以  
趁時置造軍器不致開誤

申省具截城利便無擾民戶狀

契勘洪州城池自建炎三年十月內經金人殘破之後不  
曾脩治城壁摧毀壕塹堙塞並無棲槽器具兼城北一帶  
皆無居民盡是荒閑田土地步闊遠緩急難以防守今委  
武功大夫權本路兵馬鈐轄武登相度合行裁減自洪喬  
門至崇和門取直修築新城開掘壕塹卻將舊城裁減充  
防捍江水隄岸又舊城向北一帶自來上有漲沙為患錢

興城齊難以措置今來存留舊城爲堤亦可以捍隔漲沙  
爲永久之利檢計到合用工料木植磚灰等本司已一面  
那融兌支錢物計置收買材植物料等般造窯務燒變成  
磚又用磚數多勾到南昌新建兩縣窯戶高與價直每一  
口磚計價錢二十文促令結攬燒變應副使用及於諸州  
刷壯城兵士量行差撥及本州壯城牢城廂軍等相兼脩  
築又緣工料浩大竊慮遲延已將洪州管下縣分應干僧  
寺道觀有常住物業者紐計稅錢量差夫力本司支破錢  
米貼助修築並不調發逐縣人夫亦無一事一件取於民  
間竊慮寄居及過往士大夫不知上項因依但見本州修

築城壁便謂調發人夫科買物色亂有傳播以爲搔擾達  
於朝廷難以辦白今畫到修城圖子貼說次第須至繳申  
所有本司累具狀申朝廷乞支降新法度牒二百道充修  
城使用伏乞早賜指揮降下撥還允支錢物接續支用如  
不合以新法度牒應副即乞將官告并助教勅牒準折支  
降施行

申省乞存留回易酒庫狀

本司據洪州申承都轉運司牒備准尚書省今年正月二  
十一日劄子措置條畫欲行下兩浙江東西路諸州軍各  
權暫添置戶部贍軍酒務一所內見有本州比較務去處



更不創置止就舊務措置開沽於總制司錢內就截錢帥  
府一萬貫餘州五千貫專一撥充本將收到息錢與本  
州經費外餘數拘收應副大軍月犒錢及令逐略州軍知  
通相度於管下富庶縣分興置等事內一項所置酒務係  
專要贍軍支用竊慮置務州軍別有回易等酒庫侵奪課  
利除都督府見置激賞酒庫外其餘一時許置回易酒庫  
並自開沽日住罷奉聖旨並依本州除已遵依施行外申  
本司所准前項指揮於諸州添置戶部贍軍酒務收息專  
充應副大軍支費朝廷設意欲寬民力極為利便契勘洪  
洲見有條省酒務兩所內東酒務係舊比較酒務本州見

行進稟將本務見在酒數撥入都酒務趲辦課額截撥  
制司錢回買所有麴米開借槽仗什物等就本務興置外  
竊緣安撫制置大使司自置司以來畫降聖旨許置回易  
逐行措置以回易錢起置回易酒庫循環作本造酒變賣  
收息應副本司諸般支用自起置回易酒庫今已累年即  
不妨洪州省務趲辦課額所有本司逐時接閱軍兵遇有  
調發犒設激賞按月供給使臣及一司公吏請給并紙劄  
等造作軍器收買物料支給工匠雇直應千百色支費至  
廣全仰上件息錢支使所有本司見置回易酒庫今來若  
行住罷即煩關錢物應副本司官吏兵將等色支用不免

上煩朝廷支降緣本司回易酒庫與洪州酒務及今來所  
置贍軍酒務措置得宜自各不相侵奪沽賣得行可以趁  
辦及額兼本州管下諸縣內除南昌新建兩縣係倚郭及  
靖安一縣係山僻小邑外自餘分寧武寧兩縣係舊有比  
較酒務去處豐減奉新進賢三縣亦各戶口稍衆人煙翕  
集皆可興置贍軍酒務收息補助月椿錢物定須饒衍除  
已行下本州竭力相度措置外欲望朝廷詳酌特降指揮  
許依舊存留本司回易酒庫度幾兩無相妨不廢一司用  
度緩急不至闕乏上煩朝廷實爲永久之計

承丞相李忠定公奏議卷之六十七

宋丞相李忠定公奏議卷之六十八

申省相度吉州將兵狀

准樞密院劄子尚書省送到權發遣吉州李彌遜劄子契勘本州逐年起發上供錢物米斛居江西一路之半若無盜賊侵擾即易爲應辦緣本州與虔州接界盜賊衝突無時嘯聚徒黨動是數千窺伺州城正緣本州土城不堅繞經連兩又多倒塌不可防守兼軍兵人數不多雖有逐縣巡尉多是怯懦之人不能禦敵所部弓兵人數亦少是致州郡無以隄防方其於平時補治城壁招揀軍民不惟別無錢奉費用又有搔擾生事之嫌若緩急旋行措置委是

無及以此例皆循習不敢舉行遂致廢闕每遇盜賊警急  
以至殘破州縣皆拱手坐視如日近虔賊謝小鬼等八頭  
項約四千餘人衝突侵犯逼近州城殘破吉水永豐兩縣  
爲害甚大今相度到合行事件若蒙特賜施行即於朝廷  
別無窒礙而使一路歲入不致虧欠一州人民不致傷殘  
實爲利便開具畫一于後一去年二月內准本路馬步軍  
都總管司牒備准樞密院劄子於吉州添置禁軍兩營通  
舊滿二千人牒州相度供申昨爲諸縣災傷乞候豐熟日  
措置撥遞契勘本州別無禁軍名額止管一千人係於虔  
州東南第六將下分撥前來委是不多緩急無以捍禦

按度本州可以添置兩指揮禁軍一千人不隸將下專一  
準備州界急切討捕盜賊不許差出亦不許諸司抽差使  
喚如允所乞其招軍例物請給等並乞依東南第六將上  
等禁軍則例其餘合行事件別具申請施行一本州見管  
將兵一千人將官在虔州駐劄雖許差本州兵官一員兼管  
訓練緣兵官職事繁冗不得專一契勘本州有見任準備  
將領一員係注差材武人每季詣諸縣教閱弓手一次職  
事大段簡省欲乞令兼管統轄訓練將兵如蒙朝廷許依  
彌遜所乞添置不係禁軍一千人亦乞就令統轄訓練將  
兵兼自来巡尉弓兵仍乞將州界內巡檢土兵就令將領

統轄教閱庶幾緩急有所統一可以用事伏候指揮小帖  
子稱契勘見今正是盜賊擾攘之際與平日事體不同若  
下省部勘當定是拘礙常法有害隨宜措置欲乞斷自朝  
廷量度如彌遜所陳委有利便伏乞特降指揮施行伏候  
指揮劄送本司限三日相度申行在樞密院契勘吉州近  
年多有群盜侵擾蓋緣本州永豐縣係與虔州興國縣接  
界素多盜賊巢穴去處本州龍泉安福永新袁州萍鄉縣  
又與湖南界分相連接山林深遠爲盜賊淵藪出沒之地  
近來湖南每有盜賊作過或被官兵逼逐亦是侵入吉索  
州管下作過良民被害不得安業其逐州各令屯兵專切

歷防托緣本司關兵差那前去今來所准前項指揮除  
吉州所乞創置軍額不隸諸司使喚等事理難施行外本  
司今契勘本路所管東南第六將兵一十指揮每營額置  
五百人別差部轄將校一十人共額管五千一百人內八  
指揮并正副將官部押隊使臣係在虔州駐劄兩指揮在  
吉州駐劄其虔州本將截日總見管止有二千八百四十  
七人計闕一千二百三十二人係闕額兩指揮已上本司  
今相度欲於虔州八指揮將兵內將兩指揮闕額最多處  
併填見闕一般軍額或等候請受同處軍分營額卻那已  
撥併兩指揮闕額軍分一千人就吉州招置所有合要部



轄人且令吉州於舊管將校等內權行選差兼管部轄候  
招到人數稍多具合用人數申帥司於虔吉兩州通行  
補將校管轄及於虔州那撥副將一員前來吉州駐劄同  
共措置招刺訓練候招置及教習事藝稍成次第即從帥  
司體度吉袁兩州有盜賊自來出沒作過縣分量行分屯  
彈壓捍禦所有招軍例物合用錢糧衣賜仍乞下轉運司  
契勘科撥應副委是利便更合取自朝廷詳酌施行

申省應副張龍圖米等狀

契勘本司去年蒙朝廷指揮許隨宜措置帶糴米斛每正  
苗一石帶糴二斛截自指揮到日為始至今年下限滿共

帶糴到占米等二萬三千餘石已告示諸縣有未帶糴人戶及未納零數並與住罷將帶糴米依作時值紐錢價通計三萬餘貫已行下逐縣將人戶合納應干官錢給鈔銷折本司卻支撥錢代納去訖近據新知虔州張甯申本州錢糧大段闕乏到任之初實難措置本司兩次於前件帶糴米內撥米八千石應副前去外猶有其餘米斛見椿管充本司準備軍期緩急支用

申省乞施行糴納晚米狀

據洪州申准轉運司牒備奉朝廷指揮今歲和糴大米五萬石內先糴一萬五千石並限九月終糴足起發前去張

少保軍前緣本州管下諸縣民田多種早占少種大禾係在向去十月方始成熟民間並無蓄積陳大米即與其餘路分州軍事體不同今來秋田闕少雨澤已覺元旱見在差官分頭祈禱尚未感應若以等候大禾成熟日收糴竊慮有違九月糴足起發元限本州亦未敢趲時收糴早占米斛已申轉運司乞賜申明朝廷施行外申本司并承轉運副使徐顯謨公文契勘近准六月二十八日尚書省劄子指揮上供米斛係充軍糧早米不堪久貯其合起發應副行營左護軍湖北京西宣撫司早米二十萬石不須更催早米如人戶願以舊米預納即行受納起發即不得催

早米以此本路和糴米斛並合收糴粳米內先糴一十萬碩本司已於七月十六日牒諸州照會收糴舊米外其餘米九月開場自合收糴晚米申本司契勘本路春夏之間雨暘調適早禾已是成熟收割了當自入秋以來闕少雨澤已覺亢旱又生青蟲食害苗稼見今祈禱未獲感應若更旬月內無雨晚田決致早傷竊見朝廷近降指揮受納秋苗及和糴米斛並要一色晚米竊慮既不糴納早米晚稻又失指準有誤大計已具奏聞乞賜朝廷詳酌施行去訖今據諸州前項申述本司契勘本州管下鄉民所種稻由十畝內七分並是早占米只有三二分佈種大禾又

緝入秋以來久闕雨澤已見亢旱竊慮晚田向去難以指  
準其早來官中既不羅納慮為兼并之家停蓄及他路客  
販前去有誤歲計欲望詳酌早賜指揮施行

申省措置酌情處斷招降盜賊狀

竊勘官軍自來計捕盜賊有招降有脅降雖同謂之降而  
事體全然不同或聚集徒衆官軍未易敗獲或保固險阻  
官軍難以攻取遣人齎發旗榜入賊說諭供狀欸伏聽從  
雖令解釋器甲束縛槍杖依限出參有悔過自新之意此  
招降也招降則當免放從前罪犯一切不問首領量補官  
資從黨陳選使與待之與諸軍一等若或官軍已臨賊陣

決可擒獲及與官軍已入賊巢逃避無所乃始祈求乞降保全性命出於事不獲已此脅降也脅降則當以便宜酌情處斷其有久為頭首累受招安長惡不悛及殺人衆多情理巨蠹之人自合依舊處死及有隨隊劫掠不曾殺傷之人合從斷配若是驅虜入隊為賊負荷不曾劫掠作過之人合從釋放上項脅降即難與招降一例放免今來本路從前脅降到賊並不分別遂致兇徒無所懲戒方其肅聚徒黨初謀作過之時已謂官中必須招安可無後患恣情劫掠無所忌憚及至官軍圍掩不能自免又便出降給據放散安然無事至有朝受公據散歸田里暮持槍杖放

大殺人遂致兇徒遞相做做一大總子一火又生無有窮  
已本司今將近來討捕到賴漏八揚三十四熊清李安淨  
等諸項賊火後黨內有脅降之人用所得便宜指揮依前  
項措置酌情處斷外伏乞更賜詳酌如得允當即乞指揮  
行下見有盜賊諸路帥府悉依施行庶幾事歸一體盜賊  
有所懲戒漸見衰息

申省陳述受納夏稅物帛狀

竊見行在戶部帖本州受納夏稅物帛官將受納到應干  
夏稅物帛數目開具實封申尚書省仍候將來受納了畢  
即別行攢類親書都數結罪保明供申契勘依法夏稅

納開場日縣申本州州申轉運司點檢及納畢申所屬鹽  
司選官稱量令係上供之類即團併成綱發赴左藏庫交  
納內有合係本州支給官兵春冬衣賜等用即從本州支  
遣皆有帳籍可以稽考此祖宗舊制不可易之法也今朝  
廷盡廢前法令戶部徑帖州縣受納官令開具受納數目  
徑申尚書省則是朝廷平時所設監司帥守皆不可信而  
取信於州縣小官廢成法而失大體非所以示天下竊爲  
朝廷惜之以愚意竊料此必戶部建明欲盡取夏稅物帛  
以足用度而不恤州縣官與吏責此尤不可者近年州縣  
果糾悉覓上供錢物悉養大軍窘匱甚矣若更盡取夏稅



物帛將春冬合給官兵衣賜令州縣自行擘畫措置委是  
難行伏望朝廷特賜詳酌指揮施行外所有戶部帖下本  
州受納物帛官朝旨未得施行別聽朝廷指揮

申史館承受元帥府御書狀

准史館牒勘會本館見修纂建炎日曆合要元帥府事跡  
參照修入契勘元帥府昨在濟州日曾以書賜李相公即  
未見得係於何年月日於甚處承受及有無謝表須至公  
文牒請詳此契勘前項文字請抄錄送史館以憑修纂契  
勘綱昨於建炎元年五月內自資政殿大學士太中大夫  
顯開封府事兼直學士除尚書右僕射兼中書侍郎於南京

在供職據從事郎劉然狀申四月內承元帥府差齎親筆書往湖北路等候投下行至德安府聞自江淮間前來却齎親筆書回綱是時實於南京承受有表稱謝所有謝表今錄白繳連在前

申史館繳編次到建炎制詔奏議表劄集狀

右綱近承史館牒當館見修纂建炎日曆合要時政記參照昨蒙朝廷降下觀文相公省記到建炎初任宰相編類到時政記內文字首尾未詳及拜罷辭免奏劄批答並未曾抄錄赴館并靖康初淵聖皇帝即位事迹亦未曾編類前來守等參照綱契勘除靖康初間淵聖皇帝即位事迹

不曾被旨未敢編類外今將自建炎初除罷宰相制命詔  
書批答辭免稱謝表劄及奏議建明劄子皆已得旨施行  
者編類次第勒為四卷繕寫成冊繳申史館用匣複封盛  
貯鎖鑰全伏乞照會收管施行

宋丞相李忠定公奏議卷之六十八

李丞相李忠定公奏議卷之六十九

申樞密院乞施行劄子差兵將狀

契勘綱近赴行在進對具劄子奏乞依元降畫一指揮先  
次旋差一半兵一萬人其要用錢糧亦乞依元降指揮先  
次支撥一半錢二十萬貫米七萬五千石應副續准樞密  
院一月二十九日劄子已關送都督行府劄綱照會今已  
多日未奉回降指揮江西係上流重地非屯重兵緩急何  
以控扼兼虔吉州盜賊乘此荒旱嘯聚作過自三月以來  
已添六頭項約一千餘人若無重兵彈壓討捕定是猖獗  
將來難以殄滅右謹具申樞密院伏乞早賜指揮施行

申都督府乞差撥軍馬狀

勘會本司近為所管統領官丘贊人馬已依奉聖旨起發  
權聽岳飛使喚蒙朝廷撥到申世景軍馬人數不多近分  
吉州申永新縣等處有盜賊六頭項計一千餘人闕兵分  
頭措置已具因依奏聞乞於近便處先摘那兵將二千人  
付綱相兼使喚未奉回降指揮今來虔州界尚有未獲賊  
火不少因統制官李山為岳飛勾回又復出沒作過續又  
據南安建昌軍袁州等處申見有兇徒結集嘯聚劫掠村  
鄉火數漸多須至申聞者右契勘本路虔吉州平日素多  
盜賊聞大軍到來討捕便即遠遁潛伏山谷官兵緣遠已

復出沒近蒙都督行府遣副總管康隨及差岳飛下統綱  
官李山領兵收捕雖節次承聞報殺敗火數未能勦除淨  
盡李山軍馬既回又復猖獗今來本路只有綱帶到申世  
景一項軍馬人數不多除已分遣一半前去吉州捉殺外  
自餘官兵見留洪州帥府彈壓所有其他州軍見作過盜  
賊委是闕兵分頭前去措置討捕旱歲飢民易為嘯聚若  
不乘早措置漸致滋蔓後來難以殄滅伏望詳酌日下於  
近便處先次摘那差撥兵將三二千人付綱相兼使喚庶  
幾不致誤事

申督府密院催差軍馬狀

准樞密院四月五日劄子節文本司奏吉州管下有兇賊郭少二等賊徒嘯聚作過乞先次差撥兵將二千人前來相兼使喚及乞存留岳飛下統制官李山軍兵在虔州彈壓措置等事奉聖旨令都督行府相度應副劄送本司照會須至申聞者右勘會本司見據提刑司虔吉州南安臨江軍等處申報虔州界有曾六冠曾大喉黃鰲鑽曾九唐四謝鬼七周誠梁玩李洪劉宜吳添廖一長劉十二譚十二等吉州界曾太保尹使者郭少二周花八譚花三易十二羅六等南安軍界何少七吳守傳李收等臨江軍新淦縣管下有已受招安鄒烏八等賊徒結集頭項人數不

補贖作過乞兵討捕本司已委本司副總管康隨將帶存  
留立贖下將官王彥官兵三百人前去就節制東南第六  
將兵及巡尉措置招捕虔吉南安單管下盜賊并分遣申  
世景下官兵二百人前去臨江軍初淦縣與本縣知縣右  
奉議郎趙不華商議同共招捉都為八等賊徒外見存軍  
馬彈壓一路數目甚少其李山一項軍馬又已抽回赴岳  
飛軍前緣今來作過盜賊頭項數多委是闕兵分頭前去  
搜殺竊慮諸處盜賊見得官軍單弱結集滋長卒難勦除  
伏望鈞慈詳酌今來所陳事理速賜指揮於近便處摘那  
差撥兵將三二千人付綱相兼使喚并支撥錢糧等度幾



不致誤事

再申督府密院催差軍馬狀

契勘本司先爲吉州管下有兇賊郭少二等賊徒作過遂具狀申奏朝廷乞先次摘那差撥兵將二千人前來相兼使喚及乞存留見在虔州駐劄岳飛下統制官李山軍馬具在本州彈壓措置候朝廷別差到軍馬即令起發去後續准樞密院四月五日劄子奉聖旨令都督行府相度應副本司尋契勘近又不住據提刑司申虔吉州南安臨江軍等處虔州界見有曾六郎曾大喉黃鯁鑽曾九唐四謝鬼七李洪劉宣吳添慶一茂劉十二譚十二等吉州界

太保尹使者郭少二周花八謀花三易十二羅大等南安  
軍何少七吳守傳李收等臨江軍新淦縣界有已受招安  
鄰烏八等賊徒結集頭項人數不一猖獗作過乞兵討捕  
本司已委本路副總管康隨將帶存留丘贊下將官王彥  
官兵三百人前去就節制東用第六將兵及巡尉措置招  
捕虔吉州南安軍管界盜賊分遣申世景下官兵二百  
人前去臨江軍新淦縣與本縣知縣趙不華商議同共捉  
殺鄰烏八等賊徒外見存軍馬彈壓一路數目甚少其李  
山一項軍馬又已抽回赴岳飛軍前緣今來作過盜賊頭  
項數多委是闕兵分頭前去捉殺竊慮諸處盜賊見得軍

馬單弱結集滋長卒難勦除本司已於四月十九日具狀  
申樞密院及都督行府乞於近便處摘那差撥兵將三二  
千人前來相兼使喚并支撥錢糧等處幾不致誤事去後  
未奉回降指揮須至再具申聞並有右申樞密院及都督行  
府伏乞檢詳本司前申及今狀並予理遠賜指揮施行

申督府密院相度措置入州盜賊狀

七月十八日准樞密院七月一日劄子臣寮上言臣竊以  
虔州地險民貧風俗獷悍居無事時群出持兵私販爲業  
自軍興以來嘯聚爲盜招捕殆將十稔終未殄滅臣深求  
其故乃知招安之後田業荒蕪耕種不具州縣救目前之

急不暇存恤又督逋負宿惡乘之相煽愈固加以巢穴深  
遠山多瘴癘官軍憚於窮討有司疲於供億往往以招安  
為便殊不知官其首領餘衆何歸朝廷若不嚴行措置異  
時鄰境悉應相率從賊患益滋矣臣愚過計欲乞汀州常  
屯兵千人循梅州各屯千人虔州屯二千人間歲更番每  
遇猖獗併力掩殺仍擇守令專意撫存失業之人如此則  
良民有以自存頑民知所畏憚度幾兵可疆而寇可銷矣  
俟其平定瑞金乃諸邑上流增以軍使之額邑宰兼之留  
屯千人委帥司撥差本州將兵四百人他州六百人陰防  
其微遜曉將主之庶制其命俾不復萌意實永遠之利也

取進止奉聖旨令李綱連南夫張致遠相度申樞密院劄  
送綱疾速施行綱契勘虔賊舊年止是冬月農隙之時相  
率持杖往廣東販鹽以圖厚利後來漸次於循梅等州村  
落間劫掠得牛畜錢帛歸家使用巡尉不敢誰何後黨漸  
衆遂犯州縣至建炎四年官省移在虔州陳大五長嘯聚  
作過當時官司措置無策賞罰失當土豪有物力之家往  
往嘯聚結集報復讎怨頭項漸多州縣不能制禦連結茲  
蔓以至今日雖遇豐年亦不衰息其說有二一則虔民賦  
性獷悍喜於爲盜易爲結集動以千百爲群互相劫掠凌  
逼州縣不畏刑法不顧死亡循習成風不以爲怪異於諸

路盜賊二則自近年以來專務招安官司失於措置有以誘之為盜謂如招安到賊火首領盡補官資放散徒黨其徒黨中桀黠者又復糾集徒衆自為頭首以俟招安復得名目遞相倣效無有窮已其招安出首領雖已補授官資或與差違多是不離巢穴不出公參依舊安居鄉土稍不如意或資用闕乏則又相率為盜以此滋蔓雖痛遭屠戮亦不改悔竊恐為患未艾今來朝廷欲措置屢寇不過招捕兩事臨以重兵有以制其死命然後可以招撫務令措置合宜乃為得策何謂臨以重兵有以制其死命今虔寇巢穴多在江西福建廣東三路界首置立寨柵為三寇之

計一處有兵則散往他處官軍既退則又復團聚中間遣  
發軍馬卒於不能窮討正以節制不一之故若節制歸一  
使其不能散逸且捕且招威令既行則窮寇別無他策必  
須自歸然後結以恩信使之改過自新悔為首及從黨  
黥之人盡赴軍前使用以除後患此最策之上者網昨曾  
陳請乞於江西路置都統制一員節制三路軍馬以招捕  
虔賊蒙朝廷許令本司辟置然至今未敢辟者非惟難得  
其人亦以本路軍馬單弱不足以副都統制之名故遲留  
至今如蒙朝廷遣發防秋軍馬使本路兵勢稍壯方可辟  
管充上件差遣使統三路之兵以措置虔寇數月之間必

見就緒既以兵力招降乃可使之遠去巢穴以消永久之患應招安到賊穴除放散脅使羸弱之人外其頭首及強壯桀黠之人並令解發赴軍前使喚頭首與補正官資及其餘強壯人並與刺手背分隸諸軍下使喚若能用力立功優與旌賞或又作過必殺無赦其不能悛改逃亡復歸本土之人許諸邑人捕斬竊賊田產編配妻子以係累其心使知為盜之無益自然不敢復為頭首則戾人喜為盜之風漸次可銷昨韓世忠既破范汝為其頭首及強壯人並將帶隨軍前去所以建州數年無盜賊之虞者正以措置得宜至於盜賊衰息之後又須縣令得人勞心撫字使



作過禁點之人既去良民得以復業安於田畝乃可以化盜區復為樂土此尤不可後也綱昨嘗奏請辟置慶州縣令已得指揮許辟然至今猶未敢辟奏者實以慶之諸縣多是瘴煙之地盜賊出沒不常朝廷初無賞格士大夫之有材者多不願就又難強之使行今吏部注授者既不肯赴上見任者又皆欲省罷欲其究心職事撫寧遠民消革盜賊之風未易可致欲望朝廷優立賞格將來辟置知縣到任半年盜賊消除良民復業縣人特與改官京朝官與轉行一官候任滿日各再與轉一官其盜賊平定之後量與蠲免租稅已前欠戶並免催科廢幾官吏盡心民庶安

業復有承平之象所有乞將虔州屬邑分置軍壘屯兵一節見行相度別具供申外謹具申樞密院都督行府伏候指揮

申督府密院乞防秋軍馬狀

准諸路軍事都督行府七月二十九日示下本司劄子節文本司中乞截留王彥軍馬就便聽本司節制使喚於沿江屯駐防托及分兵前去虔吉等州捕盜等事勘會王彥見病昨已准聖旨指揮令統率軍馬前來行府應副沿江使喚候將來到日量度分撥官兵前去如緩急本路別有虜偽警報行府即遣發大軍前去措置捍禦劄本司須至申

聞者右勘會本司昨累具狀申都督行府乞差撥軍馬前來本路防秋及分布捉殺見作過盜賊使喚先准都督行府劄子見議遣兵續准指揮已勾王彥軍馬候到行府日即差撥前去本司又再節次具關兵因依申行府乞截留王彥就便聽本司節制分布使喚今准前項指揮本司契勘今來已是九月防秋之際汾江一帶合行措置控扼去處並未有兵備若候有虜偽警報方行遣發軍馬前來應援防捍深恐後時誤國事欲望詳酌速賜指揮差撥兵將前來本路汾江帶擺布防捍使喚庶幾不致臨時誤事

申督府密院具虔吉盜賊再乞防秋軍馬狀

據吉州申據下班抵應徐孝悌百姓徐二黃永經州陳狀  
八月二十九日早據百姓黃永引到吉水縣五十一都稅  
戶徐二稱今月十七日夜有賊王三將朱十一將等二  
十三人各有衣甲鎗刀叉刀等投徐二家令本人探本州  
有無大兵欲報讎殺本州官負虜掠人民等事尋差人前  
去徐二住處地名桐木塘離州城五里以來收稅到賊人  
劉大王大名方龍十朱五陳花十一并殺獲到首級兩級  
勘據劉大等招通委是同興國縣賊首王四開等爲探得  
駕動及本州無人馬節次前來徐二家要二十日夜往李  
十二等家打劫了後就便過江往城下報讎殺本州官負  
人民放火虜劫財物本州已將劉大王大名方龍十朱五

陳花十一處置訖申本司又據吉州申近據永豐知縣申  
虔州興國縣賊徒欲侵犯本州管下劫掠作過及據吉水  
知縣申八月二十五日據孫勝告首虔賊姓晁等人四散  
會得二百餘人前去吉州作過本州已差發官兵捕捉續  
據吉水縣弓手徐堅等與本州監梅林渡使臣廖文寬等  
節次獲到孫勝告首結謀虔州將兵晁清等九人已送下  
右司理院報勘至二十七日又據太和縣尉張迪功申據  
土豪蕭安世申傳聞興國縣招安人張細髻等因緣手下  
人盜去王家牛與財主鬪敵各有殺傷再集周十龍謝二  
十八花張大開呂寶等三千餘人在彼圍定王家寨與四

縣尉見在彼勸和因依州司已行下興國縣接界永寧等  
縣差發巡尉體探把截防備外緣所管弓兵人數不多竊  
慮晁清等走散殘黨或與國縣張細髻等嘯聚群衆不測  
衝突本州管界作過衆寡不敵難以支吾臨時申請不及  
乞差兵前來本州駐劄討捕須至申聞者右本司已累具  
狀申都督行府乞差撥軍馬前來本路防秋及分布投殺  
見作過盜賊使喚去後未奉指揮差到今據吉州申體探  
得虔州管下張細髻等結集作過乞兵討捕緣本司止管  
統制申世景一軍人數不多要足關兵分撥前去措置欲  
望朝廷特賜詳酌早降指揮施行謹具申都督行府及樞

憲院伏候指揮

申督府憲院開具浚江州縣合控扼去處乞軍馬

防守狀

契勘本路西接湖北東連江東北與淮南對境去偽地不遠浚江州縣渡口險隘去處自來防秋皆合行措置控扼前此數年本司蒙朝廷撥到兵二萬人可以分布使用如江州興國軍皆屯重兵武寧分寧諸邑亦有軍馬近日兵將盡皆撥隸都督行府及岳少保軍中所存無二十分之一今來秋氣已深應合控扼去處並無兵可以防守雖朝廷遣兵屯戍淮上可以保障然預備不虞兵家常理亦本

路近年舊例不可頗闕若松江三州軍有兵可守緩急別無他虞則其餘州縣皆可保全所有防守雖合用兵數至多今來止望朝廷依累降指揮量行差撥五七千人本司隨宜處置度幾不致闕事今將松江州縣渡口及險隘合行屯兵控扼去處畫圖帖說繳申朝廷都督行府乞賜指揮差撥應副施行今開具下項

一松江合控扼州軍

洪州

江州

興國軍

一松江合控扼縣分

洪州武寧縣

洪州分寧縣



江州瑞昌彭澤縣

江州湖口縣

興國軍通山縣

興國軍大冶縣

一合控沅險隘

武寧縣界狗咬口

瑞昌縣界泉口

一合控扼渡口

李家渡

馬家渡

富池口

洪雪洲

磁湖

右隸具申樞密院都督行府伏候指揮

邵武縣縣丞吳興陸讓同刊

鄉耆 李軒同校

宋丞相李忠定公奏議卷之六十九終